



庶物異名疏序



愛小幾者不知龍宮

之珍服袿褐者罔識天衣



五銖之麗見有所狃智有

錢序

所域也宇宙內外號物之
數有萬瓌奇倣詭不可
記而學人拘牽習俗不能
曠觀劉覽以類萬物之情

暖暖姝姝得少爲足此何
異夏蟲疑冰蜀犬吠雪河
伯見笑於海若耶吾友
無功博物君子也疏虞物

異名凡三十卷旁蒐互補
類聚區分自天地人物以
及禮樂兵農日用鬼神
事無所不賅自經史稗說

方輿圖志以及燕簡所載
貝葉所翻介葛盧之所譯
無所不涉焚膏繼晷塗
點定凡六易寒暑三易

本而書始就可謂取精義
而用力勤矣余嘗謂讀書
有三難性喜涉獵惟貪速
盡如翹雲娛目轉瞬卽忘
卽日讀一尺終愕然耳則
難在多識注疏之家義多
穿鑿矛盾紛起紕繆相
自非玄鑿在心妙析疑

安能辨機槍決旬之誤者
孤塗偏漏之失乎則難在
精覈尚方無鱗角之筆札
青衣無頌詩之風雅補綴

蒼萃必藉手疏夫富人積
財計簿填案錢兒絹絲未
有不親自會計者况積
乎而虛願備於鮮終

憊於遲暮則難在健說此
三難者學人之通患也無
功性資過人心眼雙慧通
復敏手足以副之隨得隨

記險糜不停研粟尾不較
弄行年七十神明炯然挑
燈夜讀猶能作蠅頭細書
人難獨易其得于天者少

矣篋中之藏日積月累行
世者茲編而外有泉南雜
記年號韻編藕居士詩話
十餘種亦九鼎一臠耳非

好學不倦能富有日新如
是乎不寧惟是無功始爲
郡幕矚然自將及罷歸
畊四方修處子之行

必凜橐裝悉以質書故其
家瓶無儲粟而貯書不減
惠子環堵之室不蔽風雨
飲食寢處於二酉四部中

而日陶陶然卽妻子皆有
自得之色戲可又能讀父
書好深湛之思著傭庵錄
述發明三易皇極之秘

庭師友閉門合轍子不知
人世營營爲何事若無
者卽置之古人高隱獨行
間殆無慙德寧直文苑哉

余與無功結歲寒之盟廿
年所矣茲來問序余愧非
玄晏而信無功之書之必
傳也爲序其簡端如

魏里友入錢士升



庶物異名疏序

吾友彪湖老異人曰陳無功有
異才多異撰不肯以常自便而
必異聲垂千古聞著有庶物
名疏二十卷自天地人

禽蟲神鬼其類亦與卷第幾何
倣太玄之策事以類從積幾幾
夥則又用玄八十一測更三乘
之爲三八二千四也其書之異
亦異本於玄蓋其生平遊多燕

塞江廣閩湖之異境其讀多七
畧四庫未載之異書其見多雜
曜山川動植眩幻之異變全雜
鬼異于蓬月旅筭山裝水集
怪陸離有廿年宵旦之荒

勤莫不仰邀八萬之旋景深請
三泉之下天旁際大瀛前進還
宙民命物而受名名或歎乎副
物况可名非常名物且樂去其
常歡受其異于異曉異腕之異

人而幸居夫二千四百積異之
帙使曼倩神異不敢擅經彥升
述異無當譁記一展覽開覺到
眼生丹青曾聞換金石滿前
日對面衣纓都若在想天靈劑

倏忽移貿目駭而神舞也能無
使學圃藝場稍懷琦異者之心
染情飛人人欲得老異人爲帳
中祕乎何知異人無功有異子
獻可端季淵學窮經世之奇奧
精授時之玄算而深造洞璣爲
石齋太史稱門墻知己且兩孫
英上輪斲偏授快佇鴻軒則司
天方奏石經艸堂有聚星占異
也

崇禎丁丑清和月立夏日友第

姚士粦拜手序



叙

無功先生棲神霞外揮曠

寰中蝨粉欵香鄴籟誇富

毫趺影錦梁苑辭岑介然

耿特之操人稱長者為甚

通明之識社推祭酒蓋真
踔菘蘆而崛起握荃蓀以
自芳者已原夫觴辰振秀
墨畹貯清陋彼伊吾徒嬰
情於小草撫茲編簡靡輟

畧於截蒲肆獮裨虞全獻
荔酉腹筍四部學海爭瀾
唾落千花言泉淫涌雖輕
川走墮醋甕膠東足不窺
園未足方其苦心媿其篤

嗜也爾乃翔鴻北指駟馬
朔陞汜覽上都采竒遙集
蘭臺金匱之秘筭鞞胥象
譯之習文山川卉物之殊
姿閑卷瓌猥之末議罔弗
備厥攬拾登諸簾軸誅歎
言於介葛別積土于鳧曲
嗤撐犁其未洽昉貳肩而
尤博亾篋可補安世何慙
秘書在行伯施非將才是以

冠裳華止門多問字之車
履舄紛如望盈載酒之彥
大則稽乎掌故細或訂夫
齊諧摭核既弘唱酬間作
隘而徵書在列下士織名

懸捧檄之心賸言陟岵賡
參軍之什續咏鯨隅爰藉
公餘縱情幽討即從閩海
惣輯舊聞無諸故墟出摩
厓於薜嶼君謨昔罷剡丈

石于藍江荔譜渥其流丹
榕城羃而濡翠文獻淵潔
聲譽颯起嗣乃顯息還岫
決策拂衣賦彭澤之歸田
遶栽五柳仿仲蔚之閉戶
僅開三徑落花爨砌流水
映門挹蔥蒨以自娛植護
蘓以蠲忿固已烟霞築性
衡泌裹足永矢弗告其在
斯乎若其人倫藻鑒物表

羽儀望嶺式廬浚郊謂載
春風却埽偶罷永和之帷
秋月照床屢入嘉賓之幕
問畊尺硯恒書大有擔囊
長缺不歎無魚鞵鞞鳴鏢

黃鐘之錢自躍舩舩鼓棧
楚江之萍攸判藩溷芥留
鉛槧歛罟咸厠編摩此天
辯信圖風隨方標異者焉
先生嘗自言曰居身所好

無逾簡冊筆寫耳綴不啻
拾寶徵斯緒論闕乃素心
寧惟天授三長寶已置斯
千古王公手錄都忘毫倦
虞卿著述豈盡窮愁侍史
高杰蹶之藏剖人夥殺青
之業羽陵扁啟於箱笈蟻
坡樂殫於琴書涉其涖者
辟嘗九鼎之鑿升其堂者
如矚五都之肆是用洛絃

騰價郢璧增珎瑯琊太史
預資採證大泌山人見推
閱博鏡史以直諒相許竹
嬾以窮覽示稱或慕本聞
聲或臭溪把璧竝棠月旦

各志風期誠樵李之翹英
菴林之耆喆矣余學慚逐
日交托忘年絕調陽春曾
歊歌於下里孤桐素夕每
側耳于高山茲先生將出

度疏誕敷遐矚斲藍片玉
連城寵其晶熒擷浦寸珠
照乘珍其的皜大袞風雅
允扶瞶矇不揣蕪詞僭弁
芸帙豈三都序賦敢齊玄
晏庶飲酒錄咏附輝靖節
云爾

蕉隱錢千秋撰



庶物異名疏自序

博物至張茂先撰志四百卷晉

武以為繁給麟筆側理精得十

卷後世以其近博之難如此楊

升庵謂博物記漢人撰胡元瑞

不知唐蒙而曲辨其有志無記

談洽如元瑞且爾况淺涉乎以
是知天下書即讀盡記不盡也
昔暝師之對諫珂仲父之答俞
兒子淵之知服匿休文之識罨
孟咸神於識而得諸記者且事
物未有不記而識如東方曼倩
劉子政不記山海經則畢方貳
負烏能立應不務研綜而欲審
撐犁于讀史辯旬始于注賦寧
無致譏仁懼強記之或遺也因
輯庶物之異夫名者疏其大歸
合三十卷二千四百五十餘名

目物申義成一家言以供同好
但拾于覽見罔究緣始亡書間
采於類集謬按若覺衍真異冊
或得諸執還字宇倉皇罨訂以
逮芟香潤玉狗續蛇添諸無當
乎事物者請俟淹洽君子發與
刊譌嘉與增削而存之庶或百
分有一補夫博者也

藕居士陳懋仁識



庶物異名疏總目

合卷三十

部二十有五

黃甲至佩

阿二千四百五十有二

卷一之五

天部

黃甲至辟非九十有九

地部

青戊至河厲八十有五

人部上

龍嫡至事力七十有四

人部下

精夫至視皮八十有五

禮部

胡至隋四十有四

卷六之十

樂部

含微至健椎七十有一

支部

元皇介至鞠通七十有四

武部

勿至矛鈔百三十有四

居處部

長康至芻膾七十有一

章服部

啤至大褙八十有九

卷十一之十五

舟輿部

須慮至脅驅五十有六

農器部

定至敦牟二十有九

器用部上

周髀至鴿搯六十有三

器用部下

安哉至鳥銷七十有四

金石部

黃頰至軻蟲百一十有四

卷十六之二十

飲食部

楚瀝至寒百二十有七

布帛部

阿至帔四十有四

穀部

答董至耗三十有五

果部

隈支至庵羅九十有一

蔬部

御温至燕蓐蔬五十有四

卷二十六之二十五

草部上 銚弋至義物錫八十

草部下 盜庚至忍冬九十有一

木部 繫迷至天采七十有三

羽部上 羽家至熒熒六十有七

羽部下 箴疵至竹林七十有四

卷二十六之三十一

獸部上 黔喙至馬銜一百有八

獸部下 駉突至富貴百七十有八

鱗介部 建邪至卹卹七十有九

蟲豸部 飛拾至沙嘖九十有二

鬼神部 俞兒至佩阿九十有七

庶物異名疏卷一目錄

天部

黃甲

青丙

黃極

泰鴻

黃乾

常融

玉隆

梵度

賈奕

越衡

宗飄

皇笳堂耀

羨天

從天

更天

晬天

廓天

咸天

沈天

成天

耆婆天

切利天

提婆

祁連

蔚藍

紫落

旬始

挈素

天弓 膠葛 列缺 穢碑

焚輪 扶搖 格澤 圓羅耀

圓光蔚 商 歸邪 淪漢

龍火 天衝 霧 雄雷

雌雷 震肉 武露 文露

天酒 天乳 樹介 青陸

丹陸 野馬 摩利支 硬雨

天宗 凍 執陰 叶詣

汜理 防忤 紐茲 徇約

地雁 天雁 陰液 銀潢

稷雪 汁 軍精 天醒

案戶 液雨 謠落 安調

何鼓 貫索 天策 玄戈

赤矛 離瑜 無厚 順流

墮光 百生樹 稜 象

鑄 監 闇 膏

彌 敘 隋 想

天積 側匿 辟非

庶物異名疏卷一

構李陳懋仁無功著

天部

黃甲

青丙

周髀日高圖注黃甲與青丙相連王城去天名
甲騫鸞曰上天名青丙乾鑿度曰聖人索顛作
天又一大之物曰天

黃極

春秋運斗樞曰處犧女媧神農三皇皇者中也

庶物異名疏

卷一天部

合天履中開陰布網上合黃極其施光明

泰鴻

泰鴻天也見鵬冠子

黃乾

黃乾皇天也見東漢書

常融

玉隆

梵度

賈奕

酉陽雜俎云三界外曰四人境謂常融玉隆梵度賈奕四天也護命經注合十四天以為無色界此其四也

越衡

宗飄

皇笏堂耀

護命經色界十二天越衡宗飄皇笏堂耀此其
三也

羨天

從天

更天

晬天

廓天

咸天

沈天

成天

太玄經九天一中天二羨天三從天四更天五
晬天六廓天七咸天八沈天九成天

耆婆天

楞嚴經耆婆天此名長壽天

切利天

切利天此名三十三天楞嚴注此天超過日月居須彌山頂出水高八萬四千由旬

提婆

祁連

西域名天曰提婆匈奴名天曰祁連

蔚藍

老學庵筆記云蔚藍乃隱語天名非可以義理解也杜子美梓州金華山詩云上有蔚藍天垂光抱瓊臺猶未有害韓子蒼乃云水色天光共蔚藍乃直謂天與水之色俱如藍耳恐又因杜詩而失之

紫落

紫落猶碧落也王勃文翟楚賢有碧落賦

旬始

天文志云旬始出北斗旁如雄雞其怒青黑色象伏鼈李奇云怒當言帑晉灼曰帑雌也或曰怒則色青宋均云怒謂芒角刺出河圖稽耀鉤曰填星散爲旬始王招橫春秋合誠圖曰旬始

王兵爭春秋考異郵曰旬始照其下必有滅王
楚辭造旬始而觀清都註者又謂之皇天名文
選東京賦欃槍旬始羣兇靡遺明以爲妖星妖
氣而召茲羣慝也纂注者乃謂欃槍見浹旬始
退註旣謬悠纂亦失攷

挈貳

天弓

爾雅虹爲挈貳郭璞云蜺雌虹挈貳其別名見
尸子白虎通曰天弓虹也又謂之帝弓蜺者斗
之精失度則蜺見態王惑於毀譽

膠葛

楚辭遠遊云騎膠葛以雜亂今班曼衍而方行
揚雄傳注云膠葛上清之氣也

列缺

礧礧

易元苞曰噬嗑列缺搏礧線礧灼傳云列缺

搏雷之動也礧礧灼電之耀也揚雄賦霹靂列
缺吐火施鞭博物志以霹靂爲劈歷張揖謂隄
陽子明經云列缺氣去地二千四百里

焚輪

扶搖

詩云維風及頽爾雅焚輪謂之頽暴風從上下也毛傳頽風之焚輪者也風薄相扶而上喻朋友相須而成李巡云焚輪暴風從上來降謂之頽頽下也扶搖暴風從下升上故曰焱焱上也

格澤

天官書格澤

讀作鶴鐸

如炎火之狀黃白起地而上

下大上銳其見也不種而獲不有土功必有灾害害星經作客劉履選詩補注乃云格澤爲獅子名曰白澤白與格相近白澤卽格澤謬哉且不知格澤作鶴鐸讀也

圓羅耀

圓光蔚

真誥云方諸山真人呼日爲圓羅耀外國呼爲濯羅耀九夫真人呼爲濯耀羅三天真人呼爲圓光蔚俱見道書

靄

靄瑞雲也董子雨雹對曰雲則五色而爲慶三色而爲靄西京雜記卿雲雲外赤內青謂之靄太玄經云紫蜺靄雲朋圍日君子小人並進之

象也

歸邪

歸邪瑞氣也盧舜治漢書評云燭星名歸邪所
燭城邑亂仁按天文志王城邑亂者燭星也歸
邪則如星非星如雲非雲歸邪出必有歸國者
其占與燭星不同文獻通考瑞氣一曰慶雲之
曰歸邪盧評之言或別有據乎

淪漢

楚辭食六氣而飲沆瀣注陵陽子明經云秋食
淪漢者日沒後赤黃氣也

龍火

七命曰龍火西顏龍火火星也秋則西南見

天衝

呂覽曰雲狀有若犬若馬若白鶴若衆車有其
狀若懸釜而赤其名曰雲旄人蒼衣赤首不動
其名曰天衝高氏云衝物之氣

霧

霧 一 跌 翻 早 霜 也 見 說 文

廣物異名疏 卷一天部

雄雷 雌雷

師曠曰春雷初起其音格格霹靂者所謂雄雷
皦氣也其鳴依依音不大霹靂者謂之雌雷水
氣也

震肉

青溪暇筆云霹靂中有物如猴而小尖嘴肉翅
雷收聲後亦入蟄山行之人往往多于土穴中
得之謂之雷公不畏者恒啗之本草則謂之震
肉無毒止小兒夜驚大人因驚失心亦作脯與
食之此畜天雷所謂霹靂者也

武露 文露

春秋佐助期曰武露布文露沉宋均云甘露見
其國布散者人尚武文彩者則甘露凝重

天酒 天乳

瑞應圖曰甘露美露也神靈之精仁瑞之澤其
衆如脂其甘如飴一名膏露一名天酒晉書
書甘露降者老得敬則松柏受之尊賢容衆則
竹筴受之一曰天酒列星圖曰天乳在氐北降

爲甘露

樹介

樹稼

霧滋

春秋書雨木未一名樹介木少陽人將有害陰
氣者木先寒得雨而水曰樹介又名樹稼唐宗
室見而嘆曰諺云樹稼達官怕必有大臣當之
者合璧事類則云霧滋重窮漢倘飯糗霧滋木
未也豐年之物

青陸

丹陸

緯畧云易通統圖曰日行東方青道曰青陸日
行南方赤道曰南陸日行西方白道曰西陸日
行北方黑道曰北陸唯東以色言耳續漢書律
曆志曰日行東陸謂之春却曰東陸也宋景文
公曾用青陸字仁按錦帶云節屈朱明晷踵丹
陸然則以色言不唯東之青陸又有南之丹陸
矣

野馬

摩利支

野馬也塵埃也見莊子野馬日光一曰游絲水
氣也龍樹大士曰日光著微塵風吹之野中轉

廣物異名疏

卷一天部

八

名之爲陽燄愚夫見之謂之野馬渴人見之謂
之流水翻譯名義云摩利支此云陽炎在日前
行

硬雨

宋紹興十七年臨安雨雹太學屋瓦皆碎學官
申朝廷修諱言雨雹遂稱硬雨

天宗

月令孟冬之月天子乃祈年於天宗天宗日月
星辰也

凍

凍暴雨也爾雅郭注今江東呼夏月暴雨爲凍
雨

執陰

叶請

氾理

防忤

酉陽雜俎云北斗魁第一星神名曰執陰第二
星曰叶請第三星曰視金第四星曰氾理第五
星曰防忤第六星曰開寶第七星曰招搖

紐茲

博雅天淵謂之紐茲軫謂之鳥琴

徇約

地鴈

天鴈

徇約奔星見爾雅郭璞云流星也藝海河酌云
流星色青赤小者各地鴈墜則兵起青赤長二
三丈者名天鴈

陰液

陰液露也蔡邕月令章句釋爲露結爲霜

銀潢

銀潢天河也見詩疏緯書云王者有道則河直
如繩故江淹曰繩河也李賀謂之銀灣

稷雪

稷雪霰也見說文

汁

月令冬行夏令則天雨汁雨雪襍下曰汁

軍精

兵書云雲如日月有赤氣繞地不可攻城內黑
雲大如火星曰軍精勿犯

天醒

天醒景星也孫氏瑞應圖云狀如半月生于晦

朔助月爲明王者不私人則見

案戶

大戴禮夏小正七月案戶漢也案戶也者直戶也言正南北也

液雨

歲時記小春月內三雨爲液雨百蟲飲而藏蟄俗呼爲藥雨

豁落

李白詩身佩豁落圖腰垂虎盤囊均藻云豁落北斗名

安調

太平御覽辰星北之位黑帝之子宰相之祥也一名安調一名熊星一名鈎星一名伺晨王德常行四仲當出不出天下旱色黃五穀熟色白中謀泄色青大臣憂

何鼓

爾雅何鼓謂之牽牛郭璞云今荆楚人呼牽牛爲擔鼓擔者荷也何胡可反荊州星占曰河鼓

一名三武一名天鼓又按星經牽牛有六星河鼓則自有三星所主亦不同又天官書牽牛爲犧牲其北河鼓

貫索

貫索九星爲賊人牢牢口一星爲門門欲開開則有赦若九星總見獄事煩

天策

左傳天策焯焯天策傳說星也

玄戈

星經云玄戈一星在招搖北

尚書樂什圖曰一玄戈招搖也

名臣戈五星守兵起星明動胡兵起

赤矛

帝命驗曰有人雄起戴玉英履赤矛鄭玄謂赤矛瑞星也

離瑜

獅山掌錄云西三星曰離瑜離與禱同袿衣也瑜王飾皆婦人之服觀象玩占曰其星微小則後宮儉約明盛則婦人奢縱

無厚

順流

墮光

百生樹

無厚東方電名順流南方電名墮光西方電名百生樹北方電名見獅山掌錄

十輝

禮春官眡稜掌十輝運之法以觀妖祥辨吉凶

一曰稜象鑄監闇膏彌敘濟想註鄭司農云輝謂日光烝也稜陰陽氣相侵象者如赤鳥鑄日旁氣四面及向如輝監雲氣臨日闇日月食膏日月膏膏無光彌白虹彌天敘雲有次序如山在日上濟升氣想輝光玄謂鑄日旁氣刺日監冠弭彌氣貫日濟虹也詩云朝濟於西想雜氣有似形想疏一曰稜據以爲官首十等多是日旁之氣言輝亦是日旁輝光故總以輝言之

天積

天積天之藏府也天文要集

側匿

蔡邕云元朔而月見西方謂之側匿五行志作仄匿

辟非

元氣生於九天之上名曰辟非辟非之烟下入人之身而為明梁之氣居人五臟之中處乎心華之下此至氣之所在長烟之所托能知辟非之繇者乃得領祖太無領祖太無者盡體虛玄之大冠道素之標矣見道書

廣物異名疏卷二目錄

地部

青戊

唐

岐旁

劇旁

康

劇參

崇期

奔中

蟹螺

洿邪

康峻

堰豬

石溜

瀉土

柔祗

部婁

寅丘

壇埒

句廉

地骨

氣核

立泉

天神

蓬塊

董塊

芙蓉

翠微

崔鬼

靈陶 勞田 雄田 海陸

地乳 地肺 地腹 玉酒

嬖 離峯 墟 别

歸墟 尾閭 大瀛 沚厓

夷庚 由庚 水肥 石漆

神糞 滇魁 鴛漿 宰

采 宰渚波 王鈞斜 偷婆

鬱棲 彌戾車 塩 白善

後隧 熏隧 略衍 倚

叩 租 徑術 遂

水庸 微行 大防 神臯

廊衍 汪 沉 濁汭

胥 圯 隆坻 仇夷

券堂 沒里 火敦惱兒

地網 河厲

庶物異名疏卷二

樵李陳懋仁無功著

地部

青戊

青戊見周髀日高圖注甄鸞曰下地名青戊

唐

岐旁

劇旁

康

劇驂

崇期

爾雅廟中路謂之唐一達謂之道路二達謂之

岐旁

郭璞云岐道旁出

三達謂之劇旁

孫炎云旁出岐多故云劇康康

庶物異名疏

卷二地部

樂也交會樂道也御覽注今南陽冠四達謂之

章縣鄉數道交錯道路呼為五劇鄉

衢五達謂之康六達謂之莊七達謂之劇驂御覽

注二道復一道岐出者八達謂之崇期郭璞云

北海無極縣有此道也出釋名曰劇旁古者列樹以表道道有夾溝以

通水潦恒見修治此道旁轉多用功稍劇也劇

驂驂馬有四耳今此道有七比于劇也崇期崇

允也道多所通人充滿其上如共期也

弇中

弇中狹道也左傳弇與龕同

蟹螺 洿邪

淳于髡對齊王曰臣笑臣隣之祠田也以奩飯

一壺酒三鮒魚祝曰蟹螺音偃者宜禾洿邪者

百車臣笑其賜鬼薄而請之厚也大戴禮譬之

如洿邪水潦瀉焉莞蒲生焉蓋蟹螺塵起地高

者也洿邪下田也

康陵

博物記千千為羣掘食草根其處成泥名曰康

陵民人隨此康陵種稻其收百倍

堰豬

周禮為其井匱注井漏井匱堰豬揚升庵謂漏井今之滲坑匱豬今之陰溝也又云太平御覽引莊子逸篇羊溝之鷄稱羊溝不知何解俗作陽溝對陰溝之稱但未見所出耳仁按荀子有央溝又魯靈光殿賦玄醴騰涌於陰溝則陰溝之目亦久矣非今也

石溜

戰國策韓王曰成臯石溜一作留之地也寡人無所用之石溜猶言石田非膏壤也

瀉土

論衡地無毛則為瀉土瀉土無五穀

柔祗

類書地曰柔祗其

部婁

寅丘

左傳部婁無松柏淮南子寅丘俱小阜也

壇埒

古今注畫界者封土為臺以表識壇境馬編曰

壘埒以畫界分程也直音云壘累土也說文云埒卑垣也卽今之北路墩舖邊土墻之類

句廉

趙充國擊罕羌入鮮水北句廉上顏師古云句廉謂水岸曲而有廉稜也

地骨

氣核

地骨氣核皆石也博物志地以石爲骨物理論土精爲石石氣之核也氣之生石猶人筋絡之生爪牙也

立泉

天紳

班固終南山賦傍吐飛瀨上挺修林立泉落落密陰沉沉立泉瀑布也韓愈詩縣瀑垂天紳正郊詩簷溜擲天紳蘇軾詩餘波猶足挂天紳

蓬塊

董塊

博物志徐州人以上土爲蓬塊劉守光圍滄州城中食盡食董塊董塊粘土也

芙蓉

翠微

雀龜

逃名志芙蓉者有聲之石頭如初生芙蓉色皆

青白爾雅釋山未及上翠微注云近上旁陂疏
云謂未及頂上在旁陂陀之處名翠微又石戴
土謂之雀龜土戴石爲硎此則各指爲物非貌
矣

靈陶

班固文靈陶石也

勞田

歐陽公通進一書云久廢之地其利數倍於勞
田本六韜勞地之勞諸刻作營田邇姚叔祥得

臨川曾得之較本益知爲勞田叔祥因著歐文
致異又按齊民要術勞字則另一義以爲耨也

附錄下方

齊民要術云春耕尋于勞

古曰耨
今日勞

說文曰耨摩田器今人亦名
勞曰摩部語曰耕曰摩勞也
秋耕待白背勞
風若不尋勞地必虛燥秋田濕
地硬諺曰耕而不勞不如作暴蓋言澤難遇喜
天時
尺秋耕欲深春夏欲淺犁欲廉勞欲再
故也
地熟早亦
保澤也

雄田

交趾號腹田曰雄田見南越志

海陸

仲起爲海陸海陸土也仲起伏犧六佐之一見續博物志

地乳

河圖云岐山在崑崙東南爲地乳

地肺

三秦記終南山一名地肺可避洪水真誥云金陵者句曲之地肺也水至則浮故名地肺

地腹

地說云大河東北流過絳水千里至大陸名地腹

玉酒

十洲記瀛洲有玉膏山出泉如酒味名曰玉酒
雙

方言水中可居爲洲三輔謂之淤蜀漢謂之雙
離峯

清江志蜀守李冰鑿離峯晉灼曰峯古堆字峯岸也顏魯公云閬州東有縣曰新政南有山曰

離隼斗入嘉陵江形勝縮盡欹壁峻肅上崢嶸
而下迴泱不與衆山相連屬是之謂離堆

廵

廵達九達之道也似龜背故謂之廵王粲詩士

女滿莊廵

別

別小山見爾雅又襄陽有大別山一名魯山禹
貢內方至於大別卽此山之陰小別山在漳川

歸墟

尾閭

荀子渤海東有大壑其下無底名曰歸墟八紘
九野之水天漢之流莫不注之而無增無減一
名歸塘卽莊子所謂尾閭者也

大瀛

大瀛海之異名見楞嚴經注

沚厓

沚厓者太玄經稱九地之一曰三爲沚厓

夷庚

由庚

夷庚平路一曰往來要道也左傳以塞夷庚紮

欽辨惑吳人以舟楫爲輿馬巨海爲夷庚陸機辨亡旋皇輿於夷庚詩序曰由庚萬物得由其道是以庚爲道也

水肥

石漆

水經注高奴縣有洧水肥可黷水上有肥可接取用之博物志稱酒泉南山出泉水大如筥注地爲溝水有肥如肉汁取著器中始黃後黑如凝膏然極明與膏無異膏車及水碓缸甚佳彼方人謂之石漆

神糞

漢魁

列子云壺嶺頂有口狀若圓環名曰滋穴有水涌出名曰神糞臭過蘭椒味過醪醴水經注汾陰縣南西去河平地開源潰泉涌出呼之爲漢魁

鴛漿

水經注鹽道山孤標秀出罩絡羣山之表翠栢蔭峰清泉灌頂郭景純云世所謂鴛漿也發於上而潛於下矣

宰

采

宰渚波

公羊傳宰上之木拱矣方言冢秦晉之間謂之采古者卿大夫有采地死葬之因名也釋氏要典宰渚波此云墳也

玉鈎斜

春明退朝錄云唐內人墓謂宮人斜仁按斜唐以前已有之隋煬帝葬宮人有玉鈎斜在江都

治西

偷婆

偷婆塚也四種人得樹偷婆是輪王羅漢辟支如來

鬱棲

莊子得鬱棲則為鳥足鬱棲糞壤也鳥足見草部

彌戾車

楞嚴經云唯願世尊開示我等奢摩他路令諸闍提隳彌戾車解云奢摩他路詣真際也闍提無欲亦云多貪彌戾車惡見也舊云邊地賤處

今謂惡見據因賤處據果欲使聞提廉現在惡
因毀未來惡果

鹽

貨殖傳云猗頓川鹽鹽起顏師古曰鹽鹽池也
於鹽造鹽故曰鹽鹽

白善

圖經始興縣山中多白善用以浣衣中山經葱
輦之山多白黑青黃堊有五色入藥惟白者本
草注土以黃爲正色白爲惡色後人諱之呼爲

白善

後隧

熏隧

貨殖傳鷹隼未擊矰弋不施于後隧後隧徑道
也又熏隧門外道名見左傳

略衍

衍

爾雅石缸亦曰略衍勺一曰石缸謂之衍郭璞
云聚石水中以爲步渡衍也徐鉉云卽今所謂
木衍橋也東坡詩略衍橫秋水

中

國風邶有旨若毛傳邶丘也

阻

國風陟彼阻七餘反矣按爾雅土戴石為阻注謂

土山上有石者詩傳舍爾雅而云石山戴土曰

阻其然乎

徑術

遂

月令曰皆修封疆審端徑術注理井田之限域
步道曰徑術田之溝洫也術周禮作遂夫間者
有遂遂上有徑遂小溝也

水庸

禮曰祭防與水庸事也注云水庸溝也庸者所
以受水亦以泄水

微行

詩女執懿筐遵彼微行爰求柔桑注微行墻下
徑也

大防

詩疏墳大防李巡曰墳謂厓岸狀如墳墓名大
防也

神臯

類林西遷注西山內接太行外屬諸邊磅礴數十里林麓蒼黝谿澗鑿錯故其中物產甚饒古稱神臯隩區也

廊衍

史記秦文公夢黃蛇止于廊衍李奇曰三輔謂山阪間為廊衍

汪

左傳祭仲殺雍糾尸諸周氏之汪汪池也

沉

風俗通按傳曰沉者莽也言其平望莽莽無涯際也沉澤之無水斥鹵之類也今俗語亦曰沉澤

漏洑

管

漏洑井一有水一無水之名見爾雅又韻書井無水曰管寃

圯

焦氏筆乘云太白詩我來圯橋上懷古歎英風

按史註圮音怡楚人謂橋爲圮二字不應復用
仁按高士傳沂水圮上均韻藻云靈圮橋名在
會稽此二名得之

隆坻

隆坻水中高地也潘岳金谷集詩飲至臨華沼
遷坐登隆坻

仇夷

水經注瞿堆南絕壁峭峙孤嶮雲高望之形若
覆壺其高二十餘里羊腸蟠道三十六迴開山
圖謂之仇夷所謂積石巉峨嶺岑隱阿者也

券堂

研北襍志云今人呼墓地爲明堂唐世嘗詔改
爲券堂

沒里

五代史契丹其居臯羅箇沒里沒里河也

火敦惱兒

火敦惱兒夷言星宿海也星曰火敦海曰惱兒

地網

地網在秦州西南舊有天水長道二縣近邊地勢平行騎兵縱橫無礙宋宣撫使吳玠乃創地網於平田間縱橫鑿爲渠每渠濶八尺深丈餘連綿不斷如網其後金人來犯騎兵始不得肆竊謂今之衝邊隘口亦宜此法更於鑿後浮襯虛泥於上不第阻直前且可使陷亦防邊一法也

河厲

水經注吐谷渾於河上作橋謂之河厲

將

庶物異名疏卷三目錄

人部上

龍嫡

辟疆

田更

犁老

荒

况

玉賢

命民

尊章

皇辟

奉水

國翁

諸君

吾子

別子

辨妻

入子

悔母

梟子

姑息

私

出

尋香人

贊普

錢逋

撐犁孤塗

恭花利

守文

請班勃烈

震且

標信

兀卒

田盛

沸屑

注罕

算彈

大必闍赤

昔嚙馬哈刺扎

元

昶

信麼

進武

坦綽

布燮

九贊

酋望

九夷

三托

演習

演覽

繕裔

繕覽

澹酋

澹覽

幕撈

幕覽

陀酋

陀西

卑彌呼

勃極烈

淳維

唱末

温禺

尸遂

髡兒

火兒赤等名

呼藥

斗食

八子

職志

公乘

保林

私白

事力

庶物異名疏卷三

構李陳懋仁無功著

人部上

龍嫡

龍嫡君也見博雅

辟疆

洪武正韻曰辟疆天子之號也諸侯弗得用
師古曰辟疆言辟禦疆梁者辟音壁疆音渠良
切一說辟讀曰開疆讀曰疆言開土地也

田更

列子垆外田更田更野老也研北雜志程義父云三老五更更字當作叟今嫂字或作嬭可以驗知其故仁按二王書嫂多作嬭蔡中郎亦云叟字之誤楊升庵謂為不然著以並攷

犁老

書播棄犁老老者耆面凍犁色似浮垢也犁與黧通

荒

况

釋名兄荒也荒大也故青徐人謂兄曰荒白虎通兄况也况父法也廣雅兄况於父今吳俗稱兄為况若以為况去水即兄非也蓋未知此耳詩鶉之奔奔鶉之疆疆姜人之無良我以為兄兄叶虛王反尹翁歸字子兄顏師古讀曰况玉賢

仙詩齊首招玉賢玉賢猶玉人也

命民

均藻命民謂受爵者猶云命士命婦也見玉藻

疏仁謂今奉 上削籍爲民者二字宜作印章
甚雅惜未知之

尊章

漢廣川王訶曰背尊章嫖以忽尊章猶言舅姑
也

皇辟

曲禮祭夫曰皇辟注云更設稱號尊神異於人
也辟法也妻所取法也

泰水

據遺云歐陽永叔謂今人呼妻父爲岳公以泰
山有丈人峯又呼妻母爲泰水不知出何書也

國奢

唐中宗謂竇懷貞曰卿喪妻欲繼室乎懷貞唯
唯俄而禁中寶扇障衛有衣翟衣出者乃衛后
乳媪所謂莒國夫人者故蠻婢也懷貞納之不
辭世謂媪婿爲阿奢 遮懷貞每奏事輒自署皇
后阿奢而人或謂國奢軒然不慚

諸君

吾子

管子曰吾非籍之諸君吾子而有二國之籍者
六千萬注云諸君老男老女吾子小男小女也

別子

詩正義諸侯之子始爲卿大夫謂之別子是嫡
夫人之次子或衆妾之子別異於正君繼父故
曰別子

判妻

入子

周禮媒氏凡娶判妻入子者皆書之判妻出妻
再嫁者入子媵妾不聘者

悔母

悔母媼母也見古今人表

鼎子

演繁露衛士扈駕者名等子者誤謂其力舉千
鈞鼎當爲鼎子

姑息

尸子紂棄黎老之言而用姑息之語注姑婦女
息小兒也

私

爾雅女子謂姊妹之夫曰私詩云譚公維私釋名姊妹互相爲夫曰私言於其夫兄弟之中此人與已姊妹有私情也

出

爾雅男子謂姊妹之子爲出公羊傳蓋舅出釋名出之孫曰離孫言遠離已也

尋香人

均藻西城謂倡妓名尋香人

贊普

綱鑑注吐蕃本西羌之屬居析支水西北其子孫曰吐蕃而姓勃宰野其俗謂彊雄曰贊丈夫曰普故號君長曰贊普故杜工部送使西番詩有勅書憐贊普句以爲年號非也詳仁年號韻編例中

錢逋

錢逋乃响厮囉酋首之號猶吐蕃之稱贊普羌語之訛耳

撐犁孤塗 忝挖利印樞

野客叢書

一日談

云緇素記曰永叔代王狀元謝

啓陸機閱史尚靡識於撐犁枚臯屬文徒自成於骹骹沈元用啓讀撐犁而靡識敢謂知書問所招而不知尚慙寡學陸機不識撐犁事竟不知載何書余謂此見玄晏春秋曰予讀匈奴傳不識撐犁孤塗之事有胡奴執燭顧而問之奴曰撐犁天子也言匈奴號撐犁猶漢人稱天子也於是曠然發寤其事亦載藝文類聚類要諸書然則不識撐犁者乃皇甫謐非陸機也歐公謂陸機得非別有所據乎仁按漢書匈奴稱撐犁孤塗單于其俗謂天爲撐犁子爲孤塗前言撐犁是天子而置孤塗於不論可乎華林博議止據其說亦失攷正故著之今虜人稱天曰忝挖利稱兒子曰印樞稱天子曰忝挖利印樞見

北虜重譯

宇文

人代紀要宇文氏其先出于炎帝子孫遁居沙漠其後有葛武兔雄武多算畧鮮卑奉以爲主

庶物異名疏

卷三 人部上

六

世爲大人裔孫曾回自陰山徙居遠西俗謂天子曰宇文故國號宇文遂以爲氏是爲北周之先又按萬姓統譜趙郡南音南單于之后因獵得玉璽其俗謂天爲宇璽爲文遂以爲氏二說不同並錄備攷

諳班勃烈

人代紀要金國稱儲貳曰諳班勃烈

震旦

廣記南詔以十二月十六爲星回節是日登避風臺而清平官賦詩畧曰自我居震旦翊衛賴稷契蓋南詔謂詞臣曰清平官天子曰震旦

縹信

縹信見綱鑑大成又南詔事略云尋閣勸唐憲宗元和三年嗣立賜元和印章改元應道稱爲縹信縹信卽君也南詔野史又謂縹信縹字互並著之唐書作驃

兀卒

元昊自稱兀卒華言青天子謂中國爲皇天子

田盛

田盛華言天聖也景泰四年十月也先遣哈只
貢貂鼠銀鼠皮書稱大元田盛大可汗朝廷不
從答書稱瓦刺可汗

沸脣

賈誼曰沸脣擾塞垣之下匈奴號也

汪罕

元史太祖紀汪罕名脫里受金封爵為王番言
音重故稱王為汪罕

算彈

大必闊赤

元史馬八兒等國傳云我大必闊赤赴算彈告
變算彈華言國主大必闊赤謂丞相一云文史
昔嚶馬哈刺扎

西洋朝貢典錄云占城國其王在位三十載齊
戒於深山一載死而復位國人稱昔嚶馬哈刺

扎

至事至
聖之號

元

昶

滇史南詔異牟尋自稱曰元謂其下曰昶元猶

庶物異名疏

卷三人部上

朕也昶猶卿爾也

信麼

進武

滇史王母曰信麼亦曰九麼妃曰進武

坦綽

布燮

九贊

酋望

滇史設官分職立把國事三人曰坦綽曰布燮

曰九贊

表三公也
即清平官

曰酋望曰正酋望曰員外酋

望

九爽

滇史立九爽分理爽猶言省督爽總三省也幕

爽主兵琮爽主戶籍慈爽主禮罰爽主刑勸爽

主官人厥爽主工作萬爽主庫藏引爽主客丞

爽主商賈

三托

滇史立三托乞托主馬祿托主牛巨托主倉庫

演習

演覽

繕裔

繕覽

澹酋

澹覽

幕撫

幕覽

陀酋

陀西

大府主將曰演習副曰演覽中府主將曰繕裔

庶物異名疏

卷三人部上

副曰繕覽下府主將曰澹首副曰澹覽小府主

將曰幕撫副曰幕覽府有陀首若管陀西若判

自元昶至此俱南詔異牟尋僭偽官名

卑彌呼

晉書倭人舊以男子為主漢末倭人亂攻伐不

定乃立女子為王名曰卑彌呼

勃極烈

金小史云國中宰相自用女直官號所謂勃極

烈者是也或三人或四人無定員

淳維

嗚末

淳維夏夷狄名見綱鑑嗚末吐蕃奴號見唐書

溫禺

尸遂

燕然銘序斬溫禺以橐鼓血尸遂以染鍔溫禺

尸遂皆匈奴君長名

髡兒

北夢瑣言高崇文本將校因功授西川節度使

嘗作雪詩云崇文崇武不崇文提戈出塞虎將

軍那個髡兒射鴈落白毛空裏落紛紛鄙語胡

庶物異名疏

卷三人部上

十

人曰髡兒

火兒赤等名

火兒赤等皆職事之名見元史火兒赤昔寶赤

怯憐赤俱王弓矢鷹隼之事扎里赤書寫聖旨必闡赤為天子

前博爾赤親烹飪以奉上帝飲食云多赤濶端赤侍上帶刀及弓矢者

八喇哈赤司關答刺赤掌酒兀刺赤莫倫赤俱

車馬者速古兒赤掌內府尚供衣服者帖麥赤牧駱駝者火你赤

牧羊者忽刺罕赤捕盜者虎兒赤奏樂者霸多魯忠勇之士

援特勇敢無敵之士皆天子左右服勞之人怯薛宿衛

之哈赤哈刺赤牧人也可扎魯赤掌大宗正府凡此胡

虜名類甚多似可不錄然昔人不識擄犁事為

千古話端故畧搜一二存攷

呼藥

周書盧辯傳依周禮建六官戶一萬以上郡守

大呼藥戶五千以上郡守小呼藥又有州呼藥

斗食

史記秦王翦將十八日軍歸斗食以下什推二

人從軍注斗食佐史之秩

八子

秦孝文王尊母唐八子爲太后注八子者妾媵之號

職志

史記沛公以周昌爲職志注職志主旗幟之官
公乘

漢書漢高紀七大夫公乘以上皆高爵也注公
乘第八爵

保林

宋書何皇后傳上更爲太子置內職二等曰保
林曰良娣

私白

唐書吐突承雍傳是時諸道歲進闈兒號私白
事力

宋書蕭惠開有舫十餘事力二三百人

庶物異名疏卷四目錄

人部下

精夫

部大

莫離支

家家火

兄兄

陸陸

凌根

霸都

秀支

僕谷

根肖速魯柰柰

哲地

濁肌

壓篠

阿于

守提

所由

耶須

按答

曳落河

都養

儻履

田儻

辟辟

私隸

儻人

麗豎

蕊女

粉兒

禽僕

驅口

尺口

賞口

樓羅

釐華

植長

熟

髮規

夜羅

白徒

白士

白民

白望

順涿

累重

尊累

酒斜

吃栗多

摩登伽

逋沙

式叉摩羅

體毗履

舟鮫

庭林表

前輝光

俗華

察戰

連放

大誰

服不

宣

尺宅

寸田

闌干

鄂

粉題

輔

天關

氣戶

矧

承漿

雲儀

玉華

清盧

亢

重堂

勝

腓

玉樓

銀海

黃野

犢鼻

支蘭藏

夢宅

視皮

庶物異名疏卷四

樵李陳懋仁無功著

人部下

精夫

精夫五溪蠻渠帥名也見滇史

部大

學海注胡人一部之長呼爲部大

莫離支

高麗泉蓋蘇文弑其主王建武立王弟子藏自

庶物異名疏 卷四人部下

為莫離支

家家

弟兄

北朝稱天子曰家家北齊宮中呼嫡母亦曰家家高儼矯詔誅和士開曰士開謀廢至尊刺家家髮為尼是也又南陽王綽兄弟皆呼父為弟兄

陸陸

愛根

金志夫謂妻為陸陸妻謂夫為愛根

霸都

元劉國傑賜號霸都而不名霸都華言勇敢之士也

秀支

僕谷

劉曜攻洛陽石勒將救之乃訪佛國澄澄曰相輪鈴音云秀支替矣岡僕谷劬秃當晉乘云此羯語秀支軍也替矣岡出也僕谷劉曜胡位也劬秃當捉也此言軍出捉得曜也

根肖速魯柰柰

根肖速魯柰柰榜葛刺國優人名

哲地

哲地柯枝國富有財者之稱

濁肌

濁肌柯枝國優婆夷之類俱見瀛涯勝覽

壓獠

北史周文帝討諸獠獲其生口以爲賤隸謂之壓獠

阿干

鮮卑謂兄爲阿干慕容廆作思阿干之歌

守捉

通鑑唐兵戍邊者大曰軍小曰守捉

所由

青藤山人路史曰廣記往往捉捕有所由名色
輯畧云所由卽今保正注又云予前注爲遷本
亦近之

耶須

耶須佛妻名見蓮華經注

按答

元史按答華言交物之友也

曳落河

通鑑房琯云賊曳落河雖多安能敵我劉秩曰
初安祿山養同羅夷契丹降者號曳落河猶華
言壯士也

都養

兒寬受業孔安國貧無資用嘗為弟子都養晉
祈嘉亦為書生都養都養乃執爨者

僮

田僮

辟辟

方言僮農農夫之醜稱

南楚凡馬庸賤謂之

田僮今吳越間馬人曰或謂之服或謂之辟辟

田僮

今吳越間馬人曰

或謂之服或謂之辟辟

商人醜稱也郭璞云僮

蓋

僮駕鈍貌或曰僕臣

僮亦至賤之號辟辟便黠貌左傳人有十等最
後曰臺臺者十等之至卑者也今尺牘中尊臺
則反是矣

私隸

急就篇奴婢私隸枕牀扛私隸屬著私家非給
公役者

僂人

胡廣云亮

完顏亮

決策入寇起蕃漢兵二十七萬

僂人不預焉僂侍從也

麗豎

麗豎婢也張衡青衣賦

蕊女

粉兒

關尹子嬰兒蕊女漢童謠河間蕊女工數錢今本作姪女來鶴云今之粉兒乳子可與儀秦齒蕊女粉兒可作對

禽僕

崔瑗關都尉箴秦王子嬰繼為禽僕禽僕猶秦虜也

驅口

輟耕錄今蒙古色目人之臧獲男曰奴女曰婢總曰驅口

尺口

尺口小兒也蔣琬傳

賞口

賞口見韓文卽今之發功臣家奴者

樓羅

樓羅幹辦集事之稱見蘇氏演義

蘆葦

方言陳楚之間凡人畢臭畜乳而雙產謂之蘆葦

葦

植長

熟

釋名青徐人謂長婦曰植長禾苗先生則植取名於此荆豫人謂長婦曰熟熟祝也祝始也

嬖媿

釋名人始生曰嬰兒胸前曰嬰抱之嬰前乳養

之也或曰嬖

一作翳音匿

媿是也言是人也媿其啼

聲也故因以為名也韻會作嬖彌

夜羅

餘冬序錄夜羅之人不足與論國是夜羅瘖人之謂也

白徒

白士

白民

鄒陽傳舉白徒之衆素非軍旅羊祜曰以白士

而居重位魏詔入粟拜爵白民輸五百復其身
白猶言白丁也

白望

德宗時宦者主宮市置數十百人閱貨物應左
謂之白望如今市井之徒手牙僧也

順涿

呂覽太子之不仁過順冊涿高氏解云順涿不
仁之人也

累重

尊累

西域傳門民壯健有累重敢徙者詣田所趙充
國傳終不敢將其累重陳武帝答沈炯詔已道
所由相迎尊累累重謂妻子家屬也

酒糾

蘇叔黨政和中至東都見妓稱錄事太息語廉
宣仲曰今世一切變古唐以來舊語盡廢此猶
有唐舊爲可喜前輩謂妓曰酒糾蓋謂錄事也
相蓋之東有錄事巷傳以爲朱梁時名妓崔小
紅所居見老學庵筆記

吃栗多

梵語吃栗多唐言賤人也

摩登伽

楞嚴經云爾時阿難因乞食次經歷姪室遭大幻術摩登伽女以娑毗迦羅先梵天咒攝入姪席姪躬撫摩將毀戒體如來知彼姪術所加齋畢卽歸摩登伽伎女也娑毗迦羅此云黃髮外道先梵天實妖術耳

逋沙

翻譯名義云逋沙或富樓沙正言富盧沙此云丈夫大戴禮云丈者長也夫者扶也言長制萬物以道扶接也

式叉摩那

梵語式叉摩那此云學法女似今之尼長髮也

體毗履

翻譯名義云體毗履此云老宿

舟鮫

丹鉛續錄云左傳註舟鮫官名掌澤澤有水有虞物異名疏 卷四 人部下

魚故以爲名

庭林表 前輝光 倭華 察戰

庭林表宮中官名前輝光王莽時官名倭華婦

官名

俱見漢書

察戰吳官名

吳志

連放

韓信歸漢爲連放連放主倉廩之官名

大誰

三輔黃圖有公車大誰大誰者主問非常之人

誰以誰何稱因用爲官名

服不

儀禮大射云司馬正洗散遂實爵獻服不鄭氏

註服不者著其官尊大侯也服不司馬之屬掌

養猛獸而教擾之者散爵各見禮部

宣

考工記車人之事半矩謂之宣注頭髮皓落曰

宣半矩尺三寸三分寸之一如人頭之長也人

長八尺而大節三頭腹脰三分之則矩當二尺

六寸三分寸之二半矩則尺三寸三分寸之

廣物異名疏 卷四 人部下

半矩人頭之長也人頭何以訓宣注家必有所本太古不傳記語曰宣何以爲人頭也古語也

尺宅

寸田

尺宅面也寸田目也見黃庭經一曰面大宅見

七發

闌干

闌干眼眶也白樂天歌曰玉容寂寞淚闌干

鄂

粉題

鄂額也有垠鄂也故幽州人謂之鄂見釋名參同契云經營養郵鄂凝神以成軀粉題婦人額也見太玄經

輔

輔上頷也易曰咸其輔頰舌

天關

天關口也黃庭經云口爲天關精神機

氣戶

氣戶鼻也見白帖

矧

廣物異名疏 卷四 人部下

曲禮笑不至矧矧齒本也大笑則見

承漿

釋名口下曰承漿鍼灸經承漿一名懸漿

雲儀

玉華

黃庭經雲儀玉華俠耳門雲儀玉華髮髮之號

清虛

甘泉賦玉女所眺其清虛兮童子也

亢

重堂

孫子批亢擣虛亢喉也黃庭經重堂煥煥揚八

威梁丘子云重堂喉嚨名一曰重樓亦各重環
喉嚨在心上故曰重堂

膻

易曰九五咸其膻无悔注膻者心之上口之下
進不能大感退亦不爲无志其志淺未故无悔
而已易傳在脊曰膻馬融云膻背也鄭玄云膻
背肉也王肅曰膻在背而夾脊雖諸說不同大
體皆在心上輔嗣四爲心神上爲輔頰五在上
四之間故直云心之上口之下也明其淺於心

神厚於言語

腓

易曰咸其腓凶居吉注腓體動躁者也感物以躁凶之道也疏腓足之腓腸也由躁故凶靜居則吉

玉樓

銀海

玉樓肩也銀海目也見道書東坡凍合玉樓寒起粟光搖銀海眩生花

黃野

黃野脾也見黃庭經參同契云脾黃爲祖

犢鼻

犢鼻穴在膝下見本草綱目注然則相如所著禪短而至膝者

支蘭藏

扁鵲傳以陽入陰支蘭藏者生以陰入陽支蘭藏者死

夢宅

身爲夢宅一曰革囊

廣物異名疏

卷四人部下

視皮

南華逸篇人而不學命之曰視皮視皮與行尸
坐肉足對

廣物異名疏卷五目錄

禮部

胡

同

雞夷

黃目

散

修

枌

禁

榘杓

雕篋

泰

著

雅

夏屋

宗和

匪

綿葛

珠版

瑞節

玉璜

焦契

楚焯

素簾

古羹

便房

黃腸

題奏

溫明

聖周

樺

楠枅

卷孟

撥

角柶

豚鬻

聚僕

蒟

樺施

互

畢費

英湯

方明

藻率

隋

庶物異名疏卷五

構李陳懋仁無功著

禮部

胡

仲尼曰胡簋之事則嘗學之矣夏曰胡周曰簋
蓋禮器也

同

書曰上宗奉同瑁祭以酌灑者疏曰禮於奠爵
無名同者但下支祭酢皆用同奉酒知同是酒
庶物異名疏 卷五禮部

爵名也

雞夷

禮記灌尊夏后氏以雞夷夷讀爲彝法也餘尊爲法故稱彝刻雞形於其上故名雞彝

黃目

黃目者禮云鬱氣之上尊也黃者中也目者氣之清明者也言酌於中而清明於外也黃目黃彝也黃目之類黃金鑲其外爲目因名也疏義云按明堂位夏后氏以雞彝殷以斝周以黃目是周所造也天子則黃彝之上有雞彝鳥彝備前代之器諸侯但有黃彝埤雅云黃目以龜目飾尊今龜目黃也此可補疏義之遺

散

散爵名也十升曰爵五升曰散禮記宗廟之祭貴者獻以爵賤者獻以散孔穎達云散者訕也飲不自節爲人謗訕也

修

周禮文物大全圖云廟用修讀曰卣卣中尊謂

獻象之屬

柎

禁

柎禁皆承酒之器禮記大夫側尊用柎士側尊用禁木爲之禁長四尺廣二尺四寸通局足高三寸漆赤中畫青雲氣菱苕花爲飾刻其足案惟之形柎長四尺廣二尺四寸深五寸無足亦畫菱苕花爲飾也柎是鞞名禁者因以爲酒戒也

禘杓

禘

杓見禮記白木之有支理者沃盥之具也

雕篋

禮注疏雕篋者篋邊也以竹爲之形似篋亦薦時用也雕鏤其柄故曰雕篋

奉

著

禮記奉有虞氏之尊也山罍夏后氏之尊也著殷尊也犧象周尊也注疏云奉用瓦著着地無足罍猶雲雷也畫爲山雲之形也犧象畫沙羽及象骨飾尊也

雅

升庵外集曰東觀漢記今日歲首請上雅壽雅酒間也魏文帝典論荊州牧劉表子弟以酒器名三爵上者曰伯雅中者曰中雅小者曰季雅隱窟雜誌宋時閬州有三雅池古有修此池得三銅器狀如酒杯各有篆文曰伯雅仲雅季雅當時雖以名池而不知爲劉表物也廣韻盃字注云酒器盃卽雅字也吳均詩聊傾三雅卮今人語曰雅量伎人送酒曰雅酒蓋本此云魏文帝典論又云劉表酒器有雅伯雅受七勝仲雅受六勝季雅受五勝

夏屋

夏屋俎也詩云夏屋渠渠疏曰屋具雀朝七說宮室之美云夏屋渠渠王肅云屋則立之於先君食則受之於今君故居大屋而食無餘義似可通鄭不然者詩刺有始無終止言於我乎爾始時也下言今也謂其終時也始則太其今終則無餘猶下章始則四簋今則不飽皆說飲食

之事則不得言屋宅也若先君爲立夫屋今君
每食無餘則康公本自無始何責其無終也且
爾雅屋具正訓以此故知謂禮物大具楊升庵
云夏屋古注屋具也字書夏屋大俎也今以爲
屋居非矣禮周人房俎魯頌籩豆大房注大房
玉飾俎也其制足間有橫下有跗似乎堂後有
房然故曰房俎也以夏屋爲居以房俎爲屋可
乎又禮童子饋無屋亦可云童子戴屋而行乎
仁按儀禮鄭注周制自卿大夫以下其室爲夏
屋賈公產曰檀弓孔子云見若覆夏屋者矣此
則屋宅也附錄條攷

宗祏 匣

摯虞云凡宗廟之主藏於戶外西牖之下有屋
函故云宗祏說文云宗廟之木主曰祏周禮冬
祀則共匣 丹 主經史直音匣蓋宗廟藏主之器
也

縣蕞

叔孫通與弟子共起朝儀爲縣蕞 陳 野外齊之

如淳謂以茅剪樹地爲纂位尊卑之次春秋傳
曰置茅蕝子悅切或作蕝表坐以茅剪樹爲纂位尊卑
之次師古曰蕝與蕝同

琛版

緯畧云仲長子曰笏以書君教令紀善刺過今
之版以象焉劉義恭啓事曰珍冠飾首琛版宜
躬用琛版益奇

瑞節

周禮弗辟則與之瑞節而以執之鄭注瑞節玉
節之刻圭也和之而不肯辟者是不從王命也
玉以刻圭使調人執之治其臯

玉瓚

禮記周公於太廟灌用玉瓚大圭疏云玉瓚圭
瓚也指其體謂之玉瓚據成器謂之圭瓚瓚盛
鬯酒以黃金爲勺而有臯口鬯酒從中流出以
器是黃金照酒亦黃故云黃流

焦契

楚焯

周禮華時讀反

氏掌共焦契以待卜事凡卜以明

火蒸焦遂飲其燂俊契以授卜師注云焦灼龜
之木契開龜之鑿燂契之銳頭也以此燂契炷
於火飲之使熾以授卜師也士喪禮曰楚焯置
於焦在龜東陳氏曰焦炬也契灼龜之木也契
謂之燂亦謂之楚焯楚其材也焯其體也契其
用也

素篋

周禮注四夷舞者所屏素篋覓素白狗皮也篋
車覆闌也素篋一見曲禮

古蓐

酉陽雜俎送亡者以黃卷藁錢菟毫弩機紙疏
掛樹之屬又作轉車車古蓐也蓐似屏今京師
有古蓐見方尺許厚二三寸似小屏龕楮爲之
粘飾以銀箔送亡之資卽此物歟

便房

黃腸

題奏

溫明

霍光傳光薨上賜有便房黃腸題奏溫明皆如
乘輿制度注便房藏中便坐也栢木黃心致累
棺外故曰黃腸木頭皆內向故曰題奏溫明形

如方漆桶開一面漆畫之以鏡置其中以懸屍上大殮并蓋之

聖周

檀弓有虞氏瓦棺夏后氏聖周殷人棺槨周人

積置娶周人以殷人之棺槨葬長殤十六至十九以

夏后氏之聖周葬中殤十二至十五下殤八歲至十一以

有虞氏之瓦棺葬無服之殤七歲以下為無服之殤未生三月不

為註火熟曰聖燒土冶以周於棺也白虎通曰

虞尚質故用瓦棺夏后氏益文故易之以聖周

謂聖木相周無膠漆之用也

柩

檀弓君即位而為柩卑歲一漆之藏焉註疏柩

柩棺親尸者柩堅著之言也人君體尊物備故

即位而造為此棺漆之堅強甓甓然也未供用

故不欲即位成但每年一漆示未成也唐玄宗巡

狩路狹逢柩車命焚之天子出不以柩始於此

楠柩

左傳楠駢柩夫所以藉幹者疏說文云楠方木

庶物異名疏 卷五禮部 八

幹脅也木以藉脅明是棺中苓牀也

罨孟

史系天監五年丹陽山南得瓦物高五尺圍四尺上銳下平蓋如合焉時人莫識沈約云此東夷罨孟也塋則用之代棺此制度卑小則隨之時矣東夷死則坐塋之武帝服其博識

撥

撥灑榆汁之器取其引車滑而不滯檀弓孺子獲之喪哀公欲設撥問於有若曰其可也君之三臣猶設之顏柳曰天子龍輅而柳疇諸侯輅而設疇爲榆沈審故設撥三臣者廢輅而設撥竊禮之不中者也而君何學焉

角柶

儀禮楔齒用角柶爲將含恐其開口急也賈公彥按記曰楔如輓上兩末屈之如輓中央入口兩末向上出入易故也

豚楯

聚儻

莊子曰死得於豚楯楯楯楯之上聚儻之中注豚

楯文鏤之案聚僂器名塚壙中注爲之一云聚
當作菀僂當作夔

菀

菀帝屬檀弓君臨臣喪以巫祝桃菀執戈桃性
惡鬼神畏之王莽惡高廟神靈以桃湯灑其壁

揮施

禮記男女不同施移柳不可懸於夫之揮揮施

揮施架衣之具植者曰揮橫者曰施

互

周禮凡祭祀共其牛牲之互與其盆箝以待事
鄭玄云互若今之屠家懸肉格

畢

畢似天畢以載牲醴博三寸長八寸柄長二尺
四寸丹漆兩頭見三禮圖詩云有捄天畢載施
之行禮曰畢用桑長三尺刊其柄末畢所以助
主人者

葵蕩

周禮凡邦國之使節山國用虎節土國用人節

庶物異名疏

卷五禮部

十

澤國用龍節皆金也以英蕩輔之注蕩當爲帑
謂以函器盛此節或曰英蕩畫函干寶曰英刻
書籀竹箭也刻而書其所使之事以助三節之
信則漢中之百使符者亦取則於故事也

方明

律歷志祀先王於方明孟康曰方明者神明之
象以木爲之四方畫六采東青西白南赤北黑
上玄下黃

藻率

左傳藻率鞞鞞藻率以韋爲之所以藉玉

隋

周禮守禘既祭則藏其隋與其服鄭司農云隋
謂神前所沃灌器名